

DEO OPTIMO MAX:

UNI ET TRINO,

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS;
*manè discutienda, in Scholis Medicorum, die Vigesimo secundo
mensis Januarii, Anno Domini M. DCC. XLIII.*

M. PETRO LALOUE TTE,
Doctore Medico, Præside.

An nutrimentum tandem detrimenti corporis causa?

I.



MNIA quæcunque in hoc ce rerum universo Theatro existunt atque per vices oriuntur denuòque destruuntur corpora, quò propius ad incrementi sui culmen pertingunt, eò citius ad detrimentum vergunt. Hæc contactu partium insensibilium, soluto vinculo, resolvuntur; alia majorem coadunatione partium acquirunt soliditatem, & per hoc iter ad ruinam directè feruntur. Est ea lex omnibus corporibus quæquidem sunt atque occurrunt sensibus communis. Cur igitur res eòdem modo se non haberet respectu corporis humani? Nam si consideretur à primo formationis momento, quanta-ne ab eo tempore distat provecta hominis ætas? In ovo enim muliebri particulam genitalis feminis recipiente nascitur incredibiliter parvus, merusque mucus genitale stamen, basin & firmamentum futuri suppeditat. Deinceps corpusculum illud transeundo per innumeros formationis gradus ad terminum suum à creatore statutum pervenit; secus illius moles in immensum augetur: stamen enim primæ originis nihilum ferè est si comparetur cum mole grandioris paulò fortius. Quantane jam tunc naturam inter & primum ejus ortum disparitas? Sique eadem proportionem usque ad octoginta annos continuò cresceret, non ne plusquam gigantea hinc exurgeret moles? At res tamen ita se non habet; quò enim ortui sumus propiores, eò plus; quò verò ab eo remotiores, eò crescimus minùs: ita quidem ut post adeptum justumque incrementum ad id à naturâ tempus tandem decrescamus. Per actiones vitæ nunquam non destruuntur partes solidæ corporis fluidæque; & quod mirabile, ut servemus tamen eandem ferè figuram, similia tam solida quam fluida per eandem jugiter & assiduè reponuntur. Moribus quippe reciprocis vasorum fines villosi paulatim avelluntur, successivèque particula ultima à vicinâ in cohesione suâ solvitur, è loco suo dimota depellitur, depulsa abreptaque eliminatur. Hæc dein ablata spatium relinquitur quod novâ confestim adimpletur. Citò enim atque una separata fuit, applicatur alia quàmexactissimè ipsi loco particula jam excussa: quare acquirit dotes omnes ac debitas proprietates ad vitæ functiones subeundas, talesque quales habebant particula deperdita. Verùm fieri hæc ipsa nequeunt, quin necessariò accendant in corpore humano diversæ, variis temporibus, mutationes quæ ultimò ipsum inducunt interitum.

II.

CORPUS humanum sibi relictum minimè per se subsistit, sed extenuatur; in debilitatem deliquiumque cadit, nisi novo suppleatur ad compensandum amissum, nutrimento; neglecto verò destrueretur omninò ob solida detrita fluidaque perpetim exhalantia. Exigit ergò corporis natura, ad restaurandam ejus substantiam singulis temporibus deperditam, nutritionem, quâ non solum in omnem dimensionem extendatur producaturque corpus, verùm etiam ut perenni tritu toties pro modulo suppleatur amissum. Hæc verò quùm nihil aliud sit quàm actus virium corporis cujus beneficio expanduntur partes, hinc ut materia nutritia illud totum subeat, haud minùs est necessarium; nec hoc ipsum contingeret, ni subtilissima sit motuque apta, ita ut ad minimas partes appellere, easdemque extendere queat. Requiritur præterea motus & vasorum pressio, ut intus propellatur assimilaturque, modò his accedant insuper calor ac quies sufficiens; utroque præcipuè simul favente fluida solidescunt. Verùm enim verò cibus atque potus, tanquam alimenta, non secus alunt, nisi ab organis apè preparata sint, sed se cum ferunt illa elementa, è quibus materies nutritia elicitur; mutantur ea in chylum ex quò deinceps sanguis ac lymphæ, quæ præ-

ma verè tandem nutrit, id quod adeò certum, ut quandiu homo non conficit lympham, tandiu haud nutriatur idem; dum enim labefactato pulmone loco lymphæ non nisi aqua aut liquor similis paratur, non continebit elementa quæ in nostram substantiam converti possint. Illa verò, aquæ quoad fluiditatem similima, vim pulmonum atque omnium viscerum experitur, in fluidum longè tenuius subtiliusque resolvitur, circuitibus repetitis assimilatur, opportunisque locis recipitur ac corporis ipsius motui vitali applicatur. Est autem tenuissima, sicuti constat experimentis malpighianis, quibus observatum erat, omnem materiem undè excreverat pullus adeò fuisse tenuem, ut per ipsam substantiam testaceam fuerit dissilabilis. Ergò tale liquidum est fons uberrimus undè compensatur corporis jactura. An ne in majoribus vasis ubi liquida simul mixta valido impetu abripiuntur? Absit; sed in omnium minimis. At quum majora ex tenuioribus capillaribus consentur, priora resciri nequeunt, quin posteriora unà reparentur. Id supponit tamen omnes prægressus actiones fuisse legitimas: integraque; iis contrà deficientibus, repletur equidè homo, verum non nutritur. Ritè autem se habentibus functionibus, sunt in corpore vires quæ alimenta commutare possunt. Venterculus, musculi abdominales, diaphragma aliaque digestioni inservientia organa, nec non humores comminutionem perfectam reddunt; arteriarum ictus repetiti, varii lymphaticorum reaptus, musculorumque actiones præstant id ipsum officii genus: tonus ac partium robur digestioni validè strenuèque famulatur; si enim nimis constringantur, velut contingit in spasms, turbatur defraudaturque nutritio; si contrà nimium relaxentur, ut in affectibus cachecticis, validè crassius recipiunt moleculas, id quod experientia deprehenditur consentaneum. Sed quoniam singulis momentis è corpore aliquid ejicitur, necessum est, ut relinquatur locus ab his ce particulis vacuus quem materia nutritia explendo rursus aequet. Neque verò unquam resciri posset corpus nisi etiam quiete quâdam frueretur, quam somni præcipuè capit tempore; motu etenim continuo donantur partes, viriumque hoc ipso motu, vigilante præsertim homine, sit dependium, quod verò maximè quiescentibus restituitur partibus. Illæ moleculæ jam jam vi vitæ locisque debitis appositæ, dein à calore quò gaudet foveturque corpus, in eodem situ consistere debent, magis coadunari, concresecere deperditorumque vice perfungi. Sic igitur clarè patet ad absolutam perfectamque nutritionem conspirare cuncta viscera, omnes vasorum actiones à maximis usque ad minima ultima debere.

III.

QUONIAM autem in rebus naturalibus semper est à cognitis ad incognita progrediendum, ab effectibus nempe ad eorum causas, eandem & nos sequemur methodum. Ea verò ut magis elucescat, instituenda venit comparatio inter diversæ ætatis corpora. In pueritiâ insignis est fibrarum mollietates, laxus & rarus habitus; possunt amplæ, partes flexiles; dein major sicut est vasorum numerus, ita nec minor liquidorum; rubet cutis ac florida conspicitur; agile evadit corpus ad omnes qualescumque functiones præagendas, adeoque ad circulum humorum nutritionemque fit aptius paulò, propterea quod minor partium adest cohesio; ob solidorum laxitatem minusque eorum robur perspirabile est & ad virium dissipationem compositum: hinc majori alimentorum copia indiget, eamque in suam substantiam vi sufficienti & sitis facillè redigit. In adolescentiâ verò fibras teniores ac robustiores obtinet corpus, sanguinem subactiorem cumque optimum generat atque fovet, quem & validius propellit; major nunc est in humoribus aptitudo & ad servandam fluxilitatem facultas, proinde ad circulum facilius decurrendum, ita ut fiat perpetua elementorum successio ac substitutio, nec tamen destructio ullâ sine equali vicariâque restitutione, adeoque perfectior nutritio in hac ætate nondum corpori nociva. Contrà verò in senectute maxima demum fibræ est rigiditas, hinc inflexibilitas, reactionis difficultas vel impotentia, viarum atque canallum angustia, lentior liquidorum cursus, vel tandem nullus; quies aut inertia perfecta, undè vel insipissatio eorundem; vel quædam denique concretio cum ipsismet vasis; porro perspiratio difficilior ob nimiam tubulorum cutis densitatem ac constrictionem. Præterea ex sua parte fibræ ad se invicem accedunt, expelluntque profusius liquida summe tenuia, crassioribus cum ipsis vasis coalescentibus; fugit evanesceatque pinguedo, corrugatur cutis, desquamatur; verbo, omnia sunt rigida contracta, concreta. Corpus quamvis in omni sua dimensione seu volumine diminui videatur, materia tamen densitate, duritie ac gravitate specificâ augetur atque incrementum. Locus vix conceditur liquoribus ob inflexilitatem solidorum, reactionem in fluida diminutam aut abolitam, in minoribus præsertim cerebri canalculis, propterea quod eorundem abolentur cavitates: & hinc est quod repuerescant senes atque delirent. Memoria, ratiocinium, sensus denique omnes gradatim hebetantur aut desunt; perit motus, corpus fit rigidum atque immotum stat. Cerebrum cerebellumque liquida non transmittunt: pereunt omnes actiones, omnis sistitur circulatio, nisi fortè quæ in vasis majoribus, licet ipsa etiam admodum lenta, peragitur. Senes non tantam quantum juveniores alimentorum copiam appetunt, quippe quod organa concoctioni inservientia non

3
 tantā vi subigendi, præparandi, uti nec dissipandi fluidi potestate pollent: hi enim simul atque maiorem alimoniam quantitatem assumpserunt, quam quidem par fuerit, mox afficiuntur plectunturque aliquo morbo. Hac-ec igitur ætate suis muneribus defungi non potest corpus, ad ruinam hoc ædificium ex ipsamet partium organicarum depravatā dispositione rapitur. Num verò hæc oritur ab alimentis quibus nutritur, augetur atque conservatur corpus? A verò non abludere hanc quæstionem ex hæcenus dictis quis non videat? Quod si enim animadvertatur ad innumeras quæ corpori per totum vitæ spatium obtingunt mutationes, ipso ferè sole clariùs manifestabitur, in ipsis alimentis delitescere præcipuam detrimenti corporis causam.

I V.

VERUM cum formatio corporis per motum materiæ, & quidem fluidæ, progressum perficiatur, hanc ad omnia loca transvehi moverique oportet quò sanitas cum vitâ salvâ rectèque servetur. Quare opus est vasīs quæ eam contineant & in quibus fluere possit ire atque redire sine ullo impedimento. Omnia placidè ac tranquillè geruntur dum iuventute adhuc florer vigerque integris viribus corpus; sed si elementa quæ illud constituunt ita mutantur, majori partium insensibilium compagine, tunc in ipsismet partibus ampliùs non adest eadem aptitudo atque facilitas ad omnia quot quot sunt munera exercenda. Quantum enim discrimen reperitur senile inter & juvenile corpus? In hoc scilicet plura sunt vasa quæ extensione particularumque appositione augentur, non numero, nèque ullis crescentibus novis; in illo autem vitæ viribus abolerunt. In priori porò plures iuxta se invicem motantur partes; in posteriori verò tam propè sibi invicem appropinquantur ut planè cohærescant. Ergo cohæsiō partium diversa in elementis corpus componentibus, diversis in ætatibus, plurimùm differt atque variat. Hinc in propatulo est, quī primis temporibus ab iisdem causis augeatur corpus quibus in posterum decrevit atque destruitur. Effectus enim ac vis nutritionis est appositio particularum alimenti in vasorum minimorum cavo; sed si eorum fines villosi fiant paulò tenaciores solidioresque, à liquidis fluentibus non abripiuntur, ut potè nimium resistentes; à motu vasorum caloreque maiorem acquirunt contrahuntque cohæsiōnem, proinde quodammodò minuuntur canalium diametri. Dum corpus est in statu perfectò, omnes quodammodò minuuntur canalium liquidis concedunt; inoffensa tunc est circulatio ac proinde sanitas vitæque perfecta. Sed quum homo alimentis nunquam diutiùs careat quin causam inreritus proximam inveniat, in alimentorum usu remotam haud ineptè querit. Nam materiæ alibilis particulæ in extremis vasculis experiuntur resistentias ex parte molecularum quæ in auras non abeunt; hinc impediuntur quò minùs ultrà progrediantur succi nutritii; aliundè vasa propter nimiam rigiditatem eos nec elaborare, nec expellere valent. Sanguis aliique humores majori molimine motuque lentiori difficiliùs per vasa aguntur; omnes languent functiones, fluida spissitudinem induunt, ad stagnationem inclinant atque propendunt: vires decrevunt, ipsæque amissæ mortem alliciunt. Vasa enim ab alimentorum particulis angustiora facta, molliùs oscillant pigritiùsque sese contrahunt, postremò humores contentos comprimunt atque compingunt, ut in molem coæcant concretam, imò irresolubilem, infarctus, obstructionesque in toto corporis habitu generantur, quæ omnia imparia impotentiaque sunt elaborare, atterere, forsâque amandare cõscilicet. Strata hinc sunt super strata in vasorum minimorum lacunis, undè minuuntur, coarctantur, clauduntur vasa humoresque cum ipsis in unam quasi massam coalescunt. At hæc fieri non possunt quin partes magis magisque indurescant, dein plùs quoque comprimant liquida contenta atque horum densitate efficiant. Calor idem præstat, humidum ex interstitiis abigendo dissipandoque. Constat siquidem, non sufficere flexilitati conciliandæ exiguarum partium constitutionem levemque tantum cohæsiōnem, nisi simul sit vis aliqua, nempe, liquidum ipsum mobile & inter partes se mutuo contingentes vel elementa collocatum, irrorans humectansque eadem & à concrectione impediens. Hinc interposito hoc-ec liquido à se invicem distinentur separantur fibræ; eodem quoque redduntur ad motum aptiores; remoto contrà concrevunt eadem, undè perit omnis flexilitas ac motus. Tales proprietates in ipsis elementis obviæ, sunt ratio cur suprà se invicem volvi atque revolvi possint donec ad ultimum contactum pervenerint, ultrà quem si progrediantur, jam facta est resolutio. Calor ergo atque compressio hæc dotes mutant; liquidum hoc-ec expellendo, rigiditatem cum tempore partibus solidis; adeoque maiorem immobilitatem inferunt, quā nimium auctâ, reactio in fluida contenta minor evadit aut omnino cessat. Hinc ergo motus defectus, quies, fluidi infixatio, randomque huius cum solidis coalitus; dehinc obstructio universalis, totiusque corporis immobilitas; fibræ sunt rigidiore, in molem rediguntur minorem, gravitate specificâ augentur; undè compactiores densioresque evadunt, minùs mobiles adeoque fluido subigenlo, expellendo impares; hinc spirituum viriumque defectus; hinc decrementum partium mollium adeoque mæcor corporis, inertia, frigus, mors.

V.

OMNES qui in corpore gignantur insuntque humores ex ingestis tanquam fonte scaturiunt atque derivantur. Hæc alimenta vitæ viribus in chylum sanguinemque

vertuntur, undè segregantur deinceps ceteri quicunque liquores, varias autem asciscunt doctes à multiplicibus colatoriis elaborati, variasque proprietates pro ratione motus, pororum, quietis ac figuræ particularum homogenearum transeuntium, ex quibus, diversæ gradationes fluiditatis aut consistentiæ, & ex his, diversi gradus opacitatis aut pelluciditatis & fortè aliarum qualitatum diversitas. Liquidò hinc constat, quod si vasorum textura sit paulò densior, liquores difficillimè permeent, adeoque ibi morentur; cùmque aliàs sint inertia ob nimiam à corde distantiam vimque hujus imminutam, hinc lenè labuntur: insuper calore in corpore reliquo adhuc inspissantur instar albuminis ovi postquam experti fuerint infinitos quasi mutationis gradus. Parietum vasorum collapsus, eorumque nimia rigiditas, concretio fluidorum & in ipsis met vasis oborta induratio insuperabilem resistantiam objicit. Cordi igitur ut porè rigido, vis propellendo liquido par non est, adeoque nec vitæ conservanda sufficiens. Diminuitur hæc vis in dies; augeatur inertia & pondus fluidorum movendorum, quia nil ferè excernitur, homine præsertim singulis diebus plura ingerente. Cùm enim accipiat ab alimentis novam succi nutritii quantitatein, isque ob oculos vasa appellere neque ejici possit, obturat vasa quorum diametèr fuit imminuta à liquidorum particulis suprà se invicem positis, ac proinde brevior redditur humorum circulus, capillaribus obstructis transitum ipsis jam priùs denegantibus. Notum est, totum olim cranium non nisi ex membranis distinctis coaluisse; humores qui circulatoris legibus devehebantur se cum afferebant nutrimentum quod replebat canaliculos hæc membranas contextentes. Illud vi vitæ horum parietibus astruebatur, calore indurabatur, & iisdem perseverantibus in sustentiam solidissimam abibat. Quare quæ antè membranam efformabant vasa non tantùm succo nutritio augustata sunt, sed penitus clausa rigent. Nam in Senectute ne unicum quidem vas remanet, sed consolidatum ossiumque conspicitur totum, sine pinguedine, vasis sanguiferis ac futuris orbatum. Vasa umbilicalia pervia olim erant, jam verò absque vestigio deleta sunt. Ipsæ vertebrae in unum concreverè corpus continuum, indeque spinam nec flectere senes, vel aggerimè, queunt. Glandulæ flaccescunt ferèque evanescunt, ut sciunt omnes de mammis mulierum, de glandulis mesenterii, de renibus succenturiatis, de Thymo quorum vix ullum superstes vestigium. Sinus falciformis non nunquam visus est ossæus, nec minùs mediastinum cordisque tendines; verbo, si diutissimè vitæ motuque fruatur corpus, sanumque sit & multum exerceatur, habebit ferè omnes partes ossæas, quia citius hoc modò fluidum lubricans absumitur. Quod si jam hygiecine experientiam consulamus, confirmabuntur exactè quæ adhuc stabilivimus. Nam cur in senibus tam potens imò præcipuum confortans agnoscitur vinum? Cur in assuetis solum ferè quod restet sanitati aliquandiu conservande refugium? Homines scilicet, maximè senescunt ac tandem fatali naturæ corporis legè moriuntur à diminutà vel abolitâ circulatione adeoque calore pereunte; vinum autem vasa stimulando liquorum motum resuscitat ac promòvet, solida roborat, atoniam præsentem tollit, nimiamque eorum rigiditatem aliquandiu vincit, eademque ut reagant sic cogit. Quid verò sanguinis missio moderata in iisdem senibus non prodest? Hæc-cine in vasis ad molem liquidorum minuendam, quò partes alibiles facilius moveri possint confert? Nonne, relaxando vasorum parietes, obstructions impedit? Nàm nimia alimentorum copia ob solidorum rigiditatem non subacta saris, magis opplendo spatia, obstructions augeat? Non ne idèò dietà paulò tenuior parciorque ad eandem finem suadet ut necessaria? Ex his simul collectis concludere liceat.

Ergò nutrimentum tandèm detrimenti corporis causa.

DOMINI DOCTORES DISPUTATURI.

M. Antonius-Joannes Daval.

M. Achilles-Francisus Fontaine.

*M. Ludovicus Lemery, Medicus
Regis ordinarius, Regique
Secretarius Academiæ Socius,
& in horto Regio Chimiæ Pro-
fessor.*

M. Robertus-Hubertus Linguet.

*M. Joannes-Baptista Ludovicus
Chomel, Medicus Regis ordi-
narius.*

M. Petrus le Tonnelier.

*M. Petrus Roussin de Monta-
bourg, Consiliarius Medicus
Regis ordinarius, nec non ur-
bis Regiæ, Regique Nofoco-
mit San-Germani in Laya.*

M. Hyacinthus-Theodorus Baron.

*M. Petrus-Joannes Borette, Pro-
fessor Regius & à Regiâ Na-
turalium academiâ.*

Proponcbat Parisiis JOSEPHUS LALLEMANT, Lingonæus, Saluberrimæ Facultatis
Medicinæ Parisienfis Baccalaureus, A. R. S. H. 1743. à sextâ ad meridiem.